

# Matiu 26



loxe, voxo

6 a uxolusio

kaio voxosou

lavilelu so

Mualasi'a uxali. No  
anu taimu anene la  
lesua mulai ne Vetani. Vetani  
ne anu tualasou Lasalusu e  
lesua mutulusou no anu  
soli.



La Malia

mino'u ueli

tuma'u lailaixe

mumomomo no

anu kilo pa'usou ane

lamolisou tatila musuku.

Ane mino'u ka minixi'u no

tava'u lesua mo milutunu no

anu kisie laxusou. La

tuma'u lailaixe ne

mutomunu tani avile.



Ioxe, tisapeliou ane ualasou lexe lutasi Isikalioti mulai noxi'a tatiatila noxi'a tapilisiti. Mulai noxi'a so uvikala lexe anu upilixinu lesua no avo'a.

Mulai muvikalane'i la ane'i mi'osa manina la mivavalima lexe ane'i ilotonu. Laso anu mumolo vote'i so lexe upilixinu lesua no avo'a axova.




Laso tatisaipeli milai milalaxinu la'ilali so Mualasi'a aloxo lesua mupela'axu. Ane'i i'ani'anisio la lesua muno'u pileti vile xe muvikala laixe noxou Mosinge. Mukalu la muse'inu mo muvelunuxa'a tatisaipeliou la muvikala lexe, “Ngingi ngano'u mo nga'ani, ano'o eni vasimelo.” Xe muno'u kapusou uaini mo muvikala laixe noxou Mosinge.




Mukalu xe mulosi'a la muvikala  
lexe, "Ngingi mukalusi ngaiexu  
ano'o. Xo ano'o sialuxo. Anu  
usosovosou konitalaki alavua.  
Eni asoli la sialuxo unixi so  
ulotonu tina'u so susu noxi'a  
tamitema tavu'alo."



Xe ili'i la lesua muvikala lexe, "Saimonio, Saimoni, nalomu. Uluaou mulinga lexe utovonu lopala noxine. Utovoneni la loxo itema umu'umunu uiti so sosou uxexe xe temanusi a uxolu. la eni epilixineni noxou Mosinge mukalu so lopala noxine ulapau avile uasi. Mo so axone xe naxiu nalivui la xavine so na'oxo pakia'a tavivine."



La Pita mukolinu lexe, “Uasi, Tatanaleti. Loxo tamitema ikalavusuneni mo ivene nasoli la eni alalaxi so amulineni no anu.” Xe lesua muvikalanu lexe, “Pitao, eni avikalaneni lexe masi no olovoxo loxo koko'a u'ava uao la alaxu tatalu nini navikala lexe nalavusilo uasi.”



loxe, milutula la oli'a lesua  
milai mixali no apu vile  
ilemolu lexe Xetisemani.

Mixali mukalu la lesua  
muvikalane'i tatisaipeliou  
lexe, “Ngingi ngaxolu ‘oe  
xo eni alai olele so avikala  
noxou Mosinge.” Xe  
mukatu lexe, “Papao,  
Mamiloo. Nini namomomo  
so na'oxonu mimi mukalusi  
no anu masaxa noxine.

Tu'umaxu e so uxali noxilo  
la loxo lexa sixula.”



“Loxo eni, la  
amasaxau lexe  
naxexenu mo so  
aiexu uasi. la  
namulinu masaxa na'a  
xeli uasi, namulinu  
masaxa na'a ninisi.”




Laso lutasi mune'ene'i laili ami vile xe tamitema so latolo se'i ane tatiatilasi'a tapilisiti oli'a Tapalisi mipalus'i'a ne. Ane'i a mitatavulenu lalamo xe telutelu xe mimi so oto. Mune'ene'i xo la muxalixi'a no anu apu e lesua muxolu no anu. Sila vile mutokinu laviso so oto sika mupasou sangalou voiou tila noxi'a tapilisiti. Ia lesua muvikala lexe, “Ngatalo! Mukalu!” Ka mumulaxu avolu no sangalou itema ne sila muxali laixenula.



loxe, lesua muvikala mukalu la ane'i mitetelisou mo milaixu la mixalixu avile no tasou tila noxi'a tapilisiti. Xe Pita mumuline'i mulai ia va'axu sevile. La tamitema se'i mitauxu navu noale no vaitani xe mixolu mipita so itu'exu. La Pita muxolu no taine'i kalumo.



la uokuvvoiou tilasi'a  
tapilisiti vile anu tulanu  
itema e Pita mupasou  
sangalou. Anu mu'avuti  
muvikala lexe, "Ai, eni  
masi emaisine ngoli'a  
ngexolu no xai, ne?" La  
Pita musingisoula lexe,  
"Uasi to!" Sila alaxu  
vilesisi koko'a mu'ava.  
Laso Pita mulai noale la  
mutama e lapilai uasisi.




loxe, tatiatila mukalusi ne mi'avuti la milaixu lesua so itulusou no laxunu Pailati. La Pailati mutali'isou lesua lexe, “Nini kingi noxi'a Taiuta, ne?” La lesua mukolinu lexe, “A loxo nini mene nelemolu ne.” La Pailati muvikala noxi'ala lexe anu umasaxau upilixinu lesua ulaisi. la ane'i mi'ava'ava tatila lexe,



“Nalilinu no ovu valautu so usoli.  
Nalilinu no ovu valautu so usoli.”



Laso Pailati mu'italonu no avo'a so ililinu no ovu valautu so usoli. Ioxe, mukalu la mino'u lesua milaixu mo anu molu a mutatavulenu ovu valautu so ulili no anu. Milai xo la mixalixu no anu apu vile e ilemolu lexe Kisou Xinu. Anene ilemolu no anu vaikala Iipilu lexe Xoloxota.




La no apu ne mililinu no ovu valautu.  
Xe mililixa'a tamitema tamei no anu  
ovu valavalautusi'a kalumo, vile  
xalevile xe vile xalevile, io  
lesua mulili nonixi.



Anu isivoxo ne mutanuxu aso avile. La no voxo anene lavalava tatila e mulili no tasou Mosinge ne mutea avile, la muxali alelaxu tamei. Xe lesua mu'ava tatila lexe, “Papao eni apilixinu uleleli no avone.” Sila tauxu mukalu so musoli.




Ioxe, aso so u'unaue, la Iosepu so  
tuala ne Alimatea mulai noxou  
Pailati so mutali'isouxu lesua  
vasimolu. Mutali'isou lexe  
umomomo so uno'u  
vasimolu so u'asixu  
no voxo nesi, xo  
ne'ielia la Voxo so  
Ma'ilia.



Iosepu ne anu vile noxi'a takaniseli  
noxi'a Taiuta. Anu kalumo  
muxomaiou voxo so  
Mosinge molu u'uli laxune'i  
tamitemaou. Mune'e  
so utali'isou Pailati  
ia oponu u'olo'olo

lexe masi u'oxo  
axova noxou.  
Oponu mu'olo'olo  
ia mutali'isi.





Mu'italonu axone laso losepu  
mulotonu lavalava kea mo  
mulu'enu lesua vasimolu no  
ovu valautu. Mulu'enu  
mukalu la muisisinu  
vasimolu no anu  
lavalava kea.

Mukalu la  
mulaixu  
mumulaxu no lulu  
ane mi'asou  
mu'unalai no maia  
tava'u. Mumulaxu  
mukalu la  
mupipalo'u lavo'o  
toxoxu so  
mutanuxu lulu  
anaxu.



loxe, voxo so lalaxisou Voxo so  
Ma'ila mukalu xe loxo  
ne'ielae la tatiatila noxi'a  
tapilisiti oli'a Tapalisi milai  
noxou Pailati.



Milutu xe mixali la mivikala lexe,  
“Tatila, nexi texavutalanu  
vaikalaou itema so  
kalavoi olele e mulemolu  
loxo muxoxolusio.  
Mu'oxo lexe, 'Voxo  
tatalu upolo  
ukalu la eni atulu  
amaulila.””



“Laso ane'i milai mitomunu lulu  
pakia'u ka mimulaxu sosovo no  
anaxu xe mitulusi'a  
ta'ami se'i so i'oxo  
latolosou.”



Ioxe, Voxo so Ma'ila mukalu  
xe aso so uxali no anu voxo  
tei no anu viki la Malia so  
Makatala olie Malia ane  
vile milai so imaleisou  
lulu. Milai mixali sila  
mimalei lexe uni'uni  
toxoxu muxali.



Xo angelou Tatananenge vile  
mulu'e no tualasou Mosinge mo  
mupipalo'u lavo'o muxexesou  
lulu anaxu ka mutalupexa  
no latanu. Xe ane'i  
ta'ami e mi'oxo latolo  
ne mi'ume la



vasime'a  
mu'olo'olo kena  
mole vasime'a  
musoisolisi.



Xe tasema mimalei axone la angelo  
muvikane'i lexe, "Mamu so nga'ume.  
Xo eni alavu lexe ngingi  
ngene'e so ngakamulinu  
lesua e mililixu no ovu  
valautu ka musoli."

Anu uai 'o uasi, anu  
mutulu mumauli a  
loxo molu




mulemolu  
mala'o. Xo ngane'e mo  
ngamalei, tanixu muai  
no anu a.



La tasema tamei ne mimama'u ia osa'ila  
misevile sika mipalea milutu so ilai  
ia'alo'i'a tatisaipeli. Ane'i a milalai  
sila lesua muxalisi'a no vote'i la  
muvikala lexe, "Kakau laixe." Sila  
ilou milai noxou ka misavunoxy  
tava'u mo mimaxa'u mama'u  
mo osa noxi'a noxou.





No voxo vile ili'i la tatisaipeliou 11 mixolu mo a i'ani'ani, la lesua muxali noxi'a. Muxali la mulavixa'a xo ilopala uasi lexe manina so anu mumaulila. Mo xo ane'i ilomuxa'a uasi ane'i ane mimaisou xe mia'alo'i a lexe anu mulivu muxalila. Ioxe, Tatananenge lesua mupelototosi'a mukalu la anu mutelai muxali no tualasou Mosinge. Muxali, la mutualupexa no avolu Mosinge tema.



Xo Mosinge musexelaxa'a tatemanu  
lilia misevile, laso anu mupilixinu Olu  
e soxu vilesisi. Mupilixinu mo so ane'i  
ta'ei ilopala noxou la imamulo uasi,  
ixalisou mauli kaluxu uasi.



Romans 3:23 Xo nenge mukalusi tesusu, mo loxo nenge menge tatovonu so taxali noxou Mosinge, la tapunengesi.

Romans 6:23 Laso anu ane. Loxo itema uxaxai no anu susu, la lapesou ane solisi. la Mosinge uiaiama noxingue so lexe taxolu noxou Kalaisiti lesua anu Tatananenge, la tano'u mauli kaluxu uasi.

Hebrews 9:27 Xo tamitema mukalusi isoli alaxu vilesisi. Xe mukalu la itulu no laxunu Mosinge so utilovosi'a.

Ephesians 2:8,9 Xo ngingi ngelopala noxou laso Mosinge muiaiama noxingue so mupamaulingengi. Mi ne ngingi menge ngaxalixu uasi. Mosinge molu mu'itimengi. Anene lakolisou xaixai vile nge'oxonu uasi. Laso tava'u so itema vile u'itinu no anu uasi.



Romans 10:9,10 Vaikala aloxo 'o. Loxo itema vile uvikala lamana lexe lesua anu Tatananenge mo ulopala no oponu lexe Mosinge mutulusou no anu soli, la itema ne uxalisou pamauli ane.

Xo loxo itema vile ulopalanu Mosinge vaikalaou la anu uvikala lexe, "Ai, vaikala ano'o maninasi." Loxo u'oxo axone la Mosinge ulemolu lexe anu malemalenga. Xe loxo u'oxo lexe, "Anu ane, eni alopala noxou lesuasi." La Mosinge upamaulinu itema anene.

John 3:16,17 Xo Mosinge musexelaxa'a tatemanu lialia misevile, laso anu mupilixinu Olu e soxu vilesisi. Mupilixinu mo so ane'i ta'ei ilopala noxou la imamulo uasi, ixalisou mauli kaluxu uasi.

Xo Mosinge mupalusou Olu mune'e no lialia ia so utilovosou susu noxi'a tatemanu kaio ulemolu mamulosi'a uasi. Anu mupalusou mo so tatemanu lialia ixalisou pamauli a noxousi.



1 John 5:11-13 La ano'o vote'i so Mosinge mupala'anixu  
lexe vaikalaou ne maninasou. Anu mulosinge mauli kaluxu  
uasi la tava'u mauli kaluxu uasi ne a noxou Olusi.  
Itema ane Mosinge Olu uxolu noxou la mauli anene a uxolu  
noxou. la itema ane Mosinge Olu uxolu noxou uasi la mauli  
anene uxolu noxou uasisi.

Eni ekaukavunu vaikala ano'o ulai noxingi ngingi ane  
ngalopala noxou Mosinge Olu, mo so ngingi ngalavu lexe  
mauli kaluxu uasi a muxolu noxingi ne.



Matiu 26-28; Luku 22-24; Tioni 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Ata (atm) Copyright 1999 New Tribes Mission, Sanford, FL  
32771-1487

<https://www.bible.com/en-GB/bible/3549/MAT.1.ATA>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

